

গণপ্রজাতন্ত্রী বাংলাদেশ সরকার  
খনিজ সম্পদ উন্নয়ন ব্যুরো  
১৫৩, পাইওনিয়ার রোড, সেগুনবাগিচা, ঢাকা  
[www.bomd.gov.bd](http://www.bomd.gov.bd)

খনিজ সম্পদ উন্নয়ন ব্যুরো (বিএমডি)-এর ২০২২-২৩ অর্থবছরের বার্ষিক কর্মসম্পাদন চুক্তি বাস্তবায়নের অংশ হিসাবে জাতীয় শুদ্ধাচার কৌশল কর্মপরিকল্পনার ১.৩ ক্রমিকের আওতায় সুশাসন প্রতিষ্ঠার নিমিত্ত অংশীজনের অংশগ্রহণে অনুষ্ঠিত সভার কার্যবিবরণী (প্রথম সভা)

সভাপতি	: জনাব মোঃ আঃ খালেদ মল্লিক, মহাপরিচালক (অতিরিক্ত দায়িত্ব), বিএমডি
তারিখ	: ২৬.০৯.২০২২ খ্রি.
সময়	: সকাল ০৯.৩০ ঘটিকা
সভার স্থান	: বিএমডির সভা কক্ষ
সভার উপস্থিতি	: পরিশিষ্ট-ক

সভাপতি উপস্থিত সকলকে স্বাগত জানিয়ে সভার কার্যক্রম শুরু করেন। সভাপতি সুশাসন প্রতিষ্ঠার নিমিত্ত শুদ্ধাচার/উত্তম চর্চা বিষয়ে আলোকপাত করেন। বিএমডির গেজেটভুক্ত খনিজ সমৃদ্ধ জেলাসমূহের পাথর, সিলিকা বালু, সাদামাটি কোয়ারি ইজারাদার/ব্যবসায়ী ও ইজারাপ্রত্যাশী ব্যক্তিগণ সভায় উপস্থিত ছিলেন। সভাপতি বলেন, সুশাসন প্রতিষ্ঠার নিমিত্তে শুদ্ধাচার/উত্তমচর্চা অপরিহার্য। তাইতো, বার্ষিক কর্মসম্পাদন চুক্তিতে শুদ্ধাচার/উত্তমচর্চা বিষয়ে অংশীজনদের সাথে মতবিনিময় সভা অন্তর্ভুক্ত করা হয়েছে। তিনি আরও বলেন, শুদ্ধাচার কৌশল কর্ম-পরিকল্পনা প্রণয়ন, বাস্তবায়ন ও মূল্যায়ন নির্দেশিকা, ২০২২-২৩ অনুযায়ী এ সভায় আবশ্যিকভাবে সিটিজেন চার্টার, অভিযোগ প্রতিকার ব্যবস্থাপনা ও তথ্য অধিকার আইন সম্পর্কে অংশীজনদেরকে অবহিত করতে হবে।

#### আলোচনা

২.০ সভাপতির অনুমতিক্রমে সেবা প্রদান প্রতিশ্রুতি বিষয়ক ফোকাল পয়েন্ট কর্মকর্তা খনিজ সম্পদ উন্নয়ন ব্যুরোর সেবা প্রদান প্রতিশ্রুতি/সিটিজেন চার্টার বিষয়ে আলোকপাত করেন। বিএমডি যে সকল সেবা প্রদান করে থাকে তা মন্ত্রিপরিষদ বিভাগের টেম্পলেট অনুযায়ী সেবা প্রদান প্রতিশ্রুতি প্রণয়ন করা হয়েছে এবং তা সময়ে সময়ে হালনাগাদ করে ওয়েবসাইটে আপলোড করা হয়। ফোকাল পয়েন্ট কর্মকর্তা জানান, বিএমডি প্রদত্ত সেবাকে নাগরিক সেবা, প্রাতিষ্ঠানিক সেবা এবং অভ্যন্তরীণ সেবা এই ০৩ ভাগে ভাগ করা হয়েছে। নাগরিক সেবাসমূহ হচ্ছে অনুসন্ধান লাইসেন্স প্রদান, খনি ইজারা প্রদান, কোয়ারি ইজারা প্রদান। এই সেবাসমূহ কিভাবে প্রদান করা হয়, সেবা পেতে কত দিন সময় লাগে, কোন সেবা কোন কর্মকর্তা প্রদান করে তা বিস্তারিতভাবে উল্লেখ রয়েছে।

৩.০ অভিযোগ প্রতিকার ব্যবস্থাপনা বিষয়ক ফোকাল পয়েন্ট সভাকে অবহিত করেন যে, বিএমডির ওয়েবসাইটে হালনাগাদকৃত সিটিজেন চার্টার আপলোড করা আছে এবং সিটিজেন চার্টারের উল্লিখিত সেবাসমূহ অনলাইন জিআরএস সিস্টেমেও ([www.grs.gov.bd](http://www.grs.gov.bd)) অন্তর্ভুক্ত করা আছে। সুতরাং সেবা প্রাপ্তিতে কারো কোন অসন্তুষ্টি বা অভিযোগ থাকলে ম্যানুয়ালি অথবা অনলাইন সিস্টেমে অভিযোগ দায়ের করতে পারে। বিএমডি যেহেতু নাগরিক সেবা প্রদানের সাথে জড়িত সেহেতু নাগরিক সেবাকে আরো অধিকতর সহজ করার জন্য বিএমডি কর্তৃক প্রদত্ত সেবাকে ই-সেবাই রূপান্তর করা হয়েছে এবং ইতোমধ্যে অনলাইনে ০৬টি কোয়ারি ইজারা প্রদান করা হয়েছে।

৪.০ তথ্য প্রদানকারী দায়িত্বপ্রাপ্ত কর্মকর্তা সভায় উপস্থিত অংশীজনদের অবহিত করেন যে, তথ্য অধিকার আইন, ২০০৯ প্রণয়নের উদ্দেশ্য হচ্ছে নাগরিকগণ যেন সহজে তথ্য পেতে পারে। তিনি আরও জানান, তথ্য অধিকার আইন, ২০০৯ অনুযায়ী প্রতিটি দপ্তরে তথ্য প্রদানে একজন দায়িত্বপ্রাপ্ত কর্মকর্তা এবং একজন বিকল্প দায়িত্বপ্রাপ্ত কর্মকর্তা রয়েছে। কোনো ব্যক্তি তথ্য প্রাপ্তির জন্য নির্ধারিত ফরমে দায়িত্বপ্রাপ্ত কর্মকর্তার নিকট লিখিতভাবে বা ইলেকট্রনিক মাধ্যমে বা ই-মেইলের মাধ্যমে আবেদন করতে পারবেন। দায়িত্বপ্রাপ্ত কর্মকর্তা চাহিত তথ্য অনধিক ২০ (বিশ) কার্যদিবসের মধ্যে সরবরাহ করবেন। অনুরোধকৃত তথ্যের সাথে একাধিক তথ্য প্রদান ইউনিট বা কর্তৃপক্ষের সংশ্লিষ্টতা থাকলে ৩০ (ত্রিশ) কার্যদিবসের মধ্যে সরবরাহ করবেন। সভাপতি বিএমডির তথ্য প্রদানকারী দায়িত্বপ্রাপ্ত কর্মকর্তা এবং বিকল্প দায়িত্বপ্রাপ্ত কর্মকর্তাকে নির্ধারিত সময়ের মধ্যে তথ্য প্রদানের নির্দেশনা প্রদান করেন।

৫.০ সভাপতি আগত সেবাগ্রহীতাদের পক্ষ থেকে জানতে চাইলে মৌলভীবাজার থেকে আগত ইজারা প্রত্যাশী জনাব আলকাছ মিয়া এবং অন্যান্য ব্যক্তিগণ বলেন, পরিবেশ সংরক্ষণ বিধিমালা, ১৯৯৭ অনুযায়ী পরিবেশগত ছাড়পত্র পাওয়ার নিমিত্ত নির্ধারিত ফরমে প্রয়োজনীয় কাগজপত্রসহ পরিবেশ অধিদপ্তর, মৌলভীবাজার জেলা কার্যালয়ে তাঁরা আবেদন করেছেন। কিন্তু অদ্যাবধি তাঁরা ছাড়পত্র পাননি। ফলে ইজারা মঞ্জুরী না পাওয়ায় তাঁরা আর্থিকভাবে ক্ষতিগ্রস্ত হচ্ছেন। বিএমডি'র সহকারী পরিচালক, জনাব আজিজুল হক এসময় বলেন বাংলাদেশ পরিবেশ আইনবিদ সমিতি (BELA) কর্তৃক মহামান্য সুপ্রিম কোর্টের হাইকোর্ট বিভাগে দায়েরকৃত রিট পিটিশন নং- ২৯৪৮/২০১৬ এর ০৩-০৭-২০১৮ খ্রি. তারিখের আদেশে মৌলভীবাজার জেলার খাস খতিয়ানভুক্ত/গেজেটভুক্ত ৫২ (বায়াম) টি সিলিকা বালু কোয়ারি ইজারা প্রদানের পূর্বে পরিবেশগত প্রভাব নিরূপণ (Environmental Impact Assessment) করে পরিবেশ অধিদপ্তর হতে পরিবেশগত ছাড়পত্র (Environmental Clearance Certificate) গ্রহণের নির্দেশনা রয়েছে। বিএমডি'র মহাপরিচালক মহোদয় ছাড়পত্র প্রাপ্তির সর্বশেষ অবস্থা সম্পর্কে জানতে চাইলে তাঁরা বলেন, পরিবেশ অধিদপ্তর, আগারগাঁও এর পরিবেশগত ছাড়পত্র শাখা হতে তাঁদের দাখিলকৃত EIA সমূহ কিছু সংশোধনপূর্বক পুনরায় দাখিল করতে বলা হয়েছে। সহকারী পরিচালক (ভূ-রসায়ন) বলেন, পরিবেশ অধিদপ্তর হতে ইজারা প্রত্যাশীগণ অদ্যাবধি পরিবেশগত ছাড়পত্র না পাওয়ায় ইজারা মঞ্জুরী প্রদান করা সম্ভব হচ্ছে না। ইজারা মঞ্জুরীর আগ পর্যন্ত কোয়ারিসমূহ হতে কেউ যেনো কোনোক্রমেই অবৈধভাবে সিলিকাবালু উত্তোলন না করতে পারে সে বিষয়ে জেলা প্রশাসক, মৌলভীবাজার-কে পত্র প্রেরণ করা যেতে পারে।

৬.০ হবিগঞ্জ জেলার উপস্থিত ০২ জন প্রতিনিধি সভায় জানিয়েছেন যে, হবিগঞ্জ জেলার প্রচুর সিলিকা বালু পাওয়া যায়। সাধারণ বৃষ্টির পানির সাথে টিলা চা বাগান হতে সিলিকা বালু বিভিন্ন ছড়া নদীতে জমা হয়। ছড়ার পানির শুকানোর সাথে সাথে বিভিন্ন স্তরের জনগণ সিলিকা বালু উত্তোলন করে নিয়ে যায়। কোথাও কোথাও বিভিন্ন প্রভাবশালী মহল কর্তৃক নিয়মিত অবৈধভাবে সিলিকা বালু উত্তোলন ও অপসারণ করা হচ্ছে। সেপেক্ষিতে তারা গেজেটভুক্ত এবং ব্যক্তিমালিকানাধীন সিলিকাবালু কোয়ারিসমূহ নিয়মিতভাবে ইজারা প্রদান করা চালু রাখার দাবি জানান। নতুবা সরকারি সম্পদ তহরূপ ও বিনষ্টের পাশাপাশি এ খাত হতে সরকার বিপুল পরিমাণ রাজস্ব হারাবে।

সিদ্ধান্ত :

১. অবৈধভাবে সিলিকাবালু উত্তোলন বন্ধে জেলা প্রশাসক, মৌলভীবাজার-কে পত্র প্রেরণ করতে হবে;
  ২. বিধি মোতাবেক গেজেটভুক্ত সিলিকা বালু কোয়ারি ইজারা প্রদানের কার্যক্রম অব্যাহত রাখতে হবে;
  ৩. কোনো ব্যক্তি/প্রতিষ্ঠান অনলাইনে/অফলাইনে অভিযোগ দায়ের করলে নির্ধারিত সময়ের মধ্যে নিষ্পত্তি করতে হবে।
- ৬.০ সভায় আর কোন আলোচ্য বিষয় না থাকায় উপস্থিত সকলকে ধন্যবাদ জানিয়ে সভার সমাপ্তি ঘোষণা করা হয়।

২৬/০৭/২০২২  
(মোঃ আঃ খালেক মল্লিক)  
মহাপরিচালক (অতিরিক্ত দায়িত্ব)  
ফোন : ৮৩৯১৫৬৭  
ফ্যাক্স : ৯৩৩৪২১৫  
ই-মেইল : dg@bomd.gov.bd

নং-২৮.০৭.০০০০.০০৪.৩৬.০০১.১৩ (অংশ-৩).৪৮৭

তারিখ : ২৬ আশ্বিন ১৪২১  
২৮ সেপ্টেম্বর ২০২২

অনুলিপি : অবগতি/অবগতি ও কার্যার্থে (জ্যেষ্ঠতার ক্রমানুসারে নয়)

- ১। উপসচিব, প্রশাসন-৩ অধিশাখা, জ্বালানি ও খনিজ সম্পদ বিভাগ;
- ২। উপপরিচালক (সকল),..... বিএমডি, ঢাকা;
- ৩। সহকারী পরিচালক (সকল),..... বিএমডি, ঢাকা;
- ৪। পি.এ টু মহাপরিচালক/পরিচালক, বিএমডি, ঢাকা;
- ৫। অফিস কপি।

২৬.০৭.২০২২  
(মোঃ সাঃ মাহবুবা খাতুন)  
সহকারী পরিচালক (ভূতত্ত্ব)